



Historia De Sanctissima Crvce Caravacensi

Robles, Juan de

Augustae Vind., 1619

III. Zeit-abuzeit ex födere inito tributum pendit regi Castellæ Ferdinando
Sancto, & ad coneuersionem eius paratur via.

[urn:nbn:de:hbz:466:1-64232](#)

ne vellent experiri. Religiosi autem vultu modesto & pectori imperterriti, Absit, inquiunt, talis à nobis insania: etiam si morti occubere nullus sit necesse, nunquam tamen à veritatis via deflectemus. Quin tu potius, ô Rex, Christo das nomen, cui paucos intra annos es datus, & in eadem professione vitam positurus. Magis ille excanduit, & virtumque capite plecti exemplò præcepit; quorum animæ gloria Martyrij auctæ in cœlestem patriam, non dubium, abierunt: corpora autem obtruncatorum à Christianis quibusdam eò loci humata sunt, ubi nunc est cænobium patrum Franciscanorum Valentiæ; de quibus F. Ioannes Ægidius Zamorensis hæc tantum: Anno M c c x x i. passi sunt prima die Nouembrii Ioannes & Petrus Franciscani. Vaticinium autem sanctorum virorum de rege Zeit-Abuzeit sensim res ipsa comprobauit, & credibile est ipsos in cælum receptos eius conuersationem precibus ad Deum fusis promouisse.

CAPVT III.

Z E I T - A B U Z E I T E X F O E D E R E I N I T O
pendit regi Castellæ Ferdinando Sancto tributum, & ad eius conversionem paratur via.

Jacobus Rex Aragoniæ, Bellator cognominatus, iuuenis audax animique excelsi, deliberatnm habuit bello persequi regem Valentiæ, eoque fine imperauit sibi præsto esse omnes regni processores ad condicam diem in ciuitate Teruel. Vbi dicto audientes comparuerunt, infirmiora regni Valentiæ intravit; in ijs tamen reperit arcem firmissimam Peniscolam supra solidam rupem extreamam, quam obsidione cinxit. Zeit-Abuzeit ad defensionem minimè comparatus, & nihil minus quam talem Regis Iacobi adventum suspicatus legatos ad pacem petendam misit. Conuénit inter eos hac lege, ut regi Iacobo tribueret quarta pars vectigalium, quæ ex regnis Valentiæ, Murciæ & Carauacæ Zeit-Abuzeit perciperet. Conditionibus istis vtrinque firmatis, Aragones in suam prouinciam recesserunt. Quamuis igitur Zeit-abuzeit iam nihil sibi timendum arbitraretur à Rege Iacobo, sollicitus tamen erat de rege Castellæ Ferdinando, qui modò bis tentasset regnum Valen-

Valentia aggredi ex parte Conchensi, & damna non modica in-
tulisset. Itaque cogitauit etiam cum ipso in foedus & amicitiam
coire. Quod dum agitat secum, Ferdinandus rex, fatus subditorū
erga se egregia voluntate, & benevolentia conflauit ex ijs nume-
rosum exercitum, iussitque ad initium veris in ciuitatem Con-
chensem conuenire, quō cum vxore ipsem accessit, habuitque
delectum militarem, ut tertio in regnum Valentia impetum face-
ret. Huc etiam se contulit Rodericus Archiepiscopus Toletanus,
vir prudentiae singularis, & officio, quo fungebatur, dignissimus.
Videns igitur Abuzeit tantos belli apparatus & molitiones in sui
capitis & regni perniciem tendere, maturauit cogitata exequi, cer-
tosque homines ad Ferdinandum præmisit, qui significanter vel-
le se cum eo Conchæ, publica fide interposita, colloqui. Haud dif-
ficilem se præbuit Ferdinandus, nec obscura propensi animi in re-
gem signa dedit, quibus eius congressum sibi admodum placere
testatus est. Quamobrem aduentanti ad urbem Concham cum
tota aula & regni primoribus obuiam processit, quem amanter
complexus sub umbellam suam recepit, & hospitium ei curauit
attribui in ædibus urbis præcipuis, quas habitauit quidam Eccle-
siæ illius antistes M. Ginesius Perez Chirinus, è cuius familia mul-
ti prodierunt martyrij laurea decorati. Hæc hospitalitas per quam
fuit utilis: sic enim occasione quæsiuit Ginesius agendi cum re-
ge seorsim de mysterijs Christianæ religionis, & miscendi sermo-
nes de rebus ad salutem pertinentibus. Et hoc videtur quasi præ-
ludium ad conuersiōnem regis postea secutam; ex quo didicit Gi-
nesius multos ex Christianis Carauacæ in arce omnium, quas ha-
bebat, munitissima captiuos detineri, quos redimere, si posset ullo
modo, satagebat. Rex interim Ferdinandus nihil omisit humani-
tatis & beneficentie in suum hospitem, quem frequenter aulico-
rum præcipui, iussu ipsius, interuiserunt; maximè vero eluxit stu-
dium Roderici Toletani Praesulis, ut eum arctissime sibi & regi suo,
imò Christo deuinciret. Nec frustra laboratum. Zeit enim Abuzeit
tantum regis Castellæ fauorem ac liberalitatem animo expen-
dens, se totum eius potestati permisit, promisitque se fore in po-
sterum ei vestigalem; quem Ferdinandus lætus in suam tutelam
recepit. Hæc acta sunt anno M c c x x i i . vt refert generalis hi-

stor  regis Alphonsi Sapientis, & Marmol in sua Historia Africana, vel secundum Marianam, Anno M C C X X I V.

Ginesius ne elaberetur opportunitas bene merendi de capti-
vis Christianis, adiuit ad regem Ferdinandum, supplexque obse-
crauit, ut ante discessum impetraret a rege Abuzeit litteras publi-
ca: fidei, quibus fieret sibi potestas in illius regna penetrandi,
C H R I S T I Q; verbum disseminandi, & consolandi captiuos,
maxime qui Carauac  in arcta custodia seruabantur. Quod cum
Ferdinandi nomine a rege Abuzeit peteretur, ille quam humanis-
sim  desiderio satisfecit; Ginesius tamen profectionem distulit in
aliud tempus, ut prius corrogaret subsidia pecuniaria pro redem-
ptione captiuorum, quae cum ex piorum hominum munificentia
collegisset, in viam se dedit, ut constat ex scriptis peruetustis quae
in Ecclesi  Conchensi asseruantur, & commemorat F. Ioan.
Egydius Zamorensis.

CAPUT IV.

ADMIRANDA S. CRVCIS CARAVACE NSIS:
apparitio, cuius occasione Rex Zeit-Abuzeit fidem Chri-
stianam amplectitur.

REX Zeit-Abuzeit securus rerum suarum propter amicitiam,
& fœdus cum regibus Aragoniae & Castellae initum, sedem
& familiam suam transtulit Carauacam, in locum videlicet amo-
niorem & salubriorem Anno M C C X X I V bi: cum cognouisset
ex suis Ginesium liber  per regnum discurrere, & Euangelij prae-
dicatione Mahometi dogmata euertere, absque mora iussit eum
in vincula coniuci, & reliquis Christianis captiuis accenseri: qui
cum quereretur iniuriam sibi inferri, & publicam fidem contra-
ius gentium violari, rex affirmauit, quod nisi eius rationem ha-
buiisset, iam pridem morti adiudicaturum fuisse: ad captiuos enim
iuandos eum admissum precario, non ad Mahometi doctrinam
refellendam. Itaque ad finem usque Ianuarij insequentis anni
squalorem carceris tolerare coactus est. Deinde sub finem Martij
incessit regem pietate quadam comotum videndi & cognoscen-
dicupido, quod quisque captiuorum officium gessisset, quamue
artem.